



巡撫直隸等處地方管轄紫荊等關宣府一鎮  
地方密雲等關隘贊理軍務兼理糧餉都察院  
院右僉都御史臣于成龍 謹

題爲欽奉

上諭事該臣看得直隸黎民荷蒙

皇仁軫恤屢沛

膏澤康熙二十一年被圜州縣衛所額賦全蠲

聖駕東巡經過地方丁銀盡豁康熙二十四年未經

被圍州縣衛所錢糧蠲免三分之一康熙二十二年未完錢糧概與豁免又獻縣并河間縣衛康熙二十四年下半年及康熙二十五年上半年錢糧俱准蠲免今又特奉

上諭將順永保河四府康熙二十六年各項錢糧并康熙二十五年未完錢糧盡行蠲豁

湛恩汪濊歷歲頻施雖

堯舜之仁何以加茲臣准部咨通行各屬并發告示

遍諭四郡紳衿耆庶仰觀

綸音咸頌

聖德下至蔀屋窮簷靡不歡忻踴躍擊壤而歌各具感激情詞呈該地方官由守道叅議朱弘祚彙叙呈詳前來臣查蠲免錢糧從無紳民陳

謝之例茲奉

上諭洵爲曠世

特典萬姓均戴

洪庥攄情禱祝實出血誠臣不敢緘默理合恭疏  
題報伏乞

睿鑒施行臣未敢擅便謹

題請

旨康熙二十五年十月二十三日題

巡撫直隸等處地方管轄紫荆等關宣府一鎮  
地方密雲等關隘贊理軍務兼理糧餉都察  
院右僉都御史臣于成龍 謹

題爲恭報微臣出巡日期事竊臣猥以菲材歷任  
州縣無所取長乃蒙

皇上不以臣爲謏劣不數歲而超陞巡撫重任臣自  
受

命以來仰體

皇上委任至意以察吏安民爲首務凡屬員臧否地  
方利弊靡不廣諮博詢第直隸幅幘遼澗體訪  
難以周詳如城池爲郡邑保障或本可修濬托  
詞工費浩繁不卽興修蠲免有關

國計或田禾少有損傷捏稱重災所報不實或保  
甲之編立視爲具文或蠹棍之惡跡徇庇不舉  
或將弁庸懦怠於防禦或屬吏貪污巧於彌縫  
必須躬自巡察始無欺蔽臣於

陛辭之日曾經面

奏業荷

俞允今臣署從前一切積案稍獲清結謹於康熙二  
十五年十月二十四日巡歷真順廣大四府屬  
止帶家丁數人衙役數名護隨

勅印撫標千總官一員標兵八名臣自給與口糧沿  
途就便住宿嚴禁鋪設飭止屬員送迎不擾驛  
遞巡歷所至所有各項事宜容臣次第入

告至於

欽件重案臣不敢

題請寬限當不時回署料理以免稽滯如機務稍減再陸續巡行除初次巡歷

題明外嗣後不敢再

題以瀆

宸聰且恐具疏

題報邸抄遍發地方各官凡事預爲掩飾莫若不

時密行使人不能猝知庶地方諸務咸可得實而不致蒙蔽矣理合具

題伏乞

皇上睿鑒施行臣未敢擅便謹

題請

旨康熙二十五年十月二十四日題

願讀其詩者以之當九畹之蘭而  
焚香啜茗對之可夫

康熙五十三年歲次甲午六月既

望崑山王之醇題於松筠書屋



錢汝謙詩序

王策

錢子汝謙南國名家東滄勝士弱齡超絕目是青睛  
綺歲通華夢徵赤墨衛叔寶出游市上金車日日乘  
羊王僧達入戲庭前銀燭時時結鳳泊乎子安作賦  
之歲尚爲允南閉戶之時秋簟朝涼彌勤漁獵冬缸  
夜靜不廢呶晤一覽靡遺探張茂先之三十乘千言  
立就傲左太冲之十餘年明月裁牋文心獨笑飛花  
入硯墨沼流香施鐵網於滄波珊瑚萬樹採夜光於  
赤水照乘千震固已蓮社舊盟羣推牛耳蘭亭新禊

獨長雞壇矣而且天性英竒賦情曠朗丰姿皎若依  
依張緒之年顧盼曄如落落元龍之氣博雞市畔約  
賣漿者以同游屠狗門前邀擊筑人而共飲旣饒逸  
興因多勝游掛帆麋鹿洲邊惆悵三春歌舞溱酒鳳  
凰臺上淒涼六代衣冠闔錦句於旗亭臣狂莫及擲  
金鞭於柳陌我見猶憐比其游屐歸來蕭齋靜處開  
軒設榻室有餘閒掃地焚香居無外物得黃荃之妙  
訣緊護蘭心有馬融之精思時彈玉局縱橫筆墨江  
山總入襟懷散誕琴書風月不教拘束綺鳥嬌花便

爲兄弟孤松脩竹卽是良朋是以識留侯者疑爲女  
子望何晏者有若神仙曲顧當筵自是多情公瑾憶  
成短句生憐善病休文不惟風雅無囊兼亦才情第  
一擅斯竒致實廓心神偶爾運思卽流毫楮故其七  
言賦就五字吟安竟體都芬大似迎風蘭蕙自然可  
愛真同初日芙蓉憑吊高涼激浪奔雷之句寫懷恬  
雅光風霽月之章石破天驚調皆竒創水寒山老骨  
更蒼凝洵乎名下無虛極盡英雄本色寸牋而氣已  
成虹儒者而筆偏似虎三百篇之後復有嗣音十九



汝謙詩序  
首以來遂多流響風馳電掣君未苦其艱難蠡測管  
窺世已驚猶河漢誰家年少偏能作賦人間始信前  
身曾是脩文天上藜燈芙蓉鏡卜子他時粉署金閨虛  
公在席行見宋延清之奪錦落句彌工武平一之簪  
花御批加美吁嗟壯矣不亦偉乎僕性比寒蟬才非  
繡虎効苦吟於賈島頗費推敲事帖括若歐陽深慚  
束縛尚少荆潭之咏敢居公晏之名謬以卮辭僭弁  
大集庶幾東鄰有女益增西子之妍燕石貽嗤愈長  
荆山之價云爾

汝謙詩集目次

賦

廣寒宮賦

太湖七十二峯賦

秋水芙蓉賦

九日靈巖登高賦

文

羅允枚黃葉草序

緝螺菴重刊地藏經水懺序

代李姓祭鄉生文

孫本謙

戲册封壯毅侯文

女輓江恭人楚辭

女



汝謙詩集目次

古歌

古學歌二章

古農歌二章

古意二章和建初

樂府

巫山高

有所思

戰城南

特加太子少保巡撫直隸等處地方管轄紫荆等關  
宣府一鎮地方密雲等關隘贊理軍務兼理糧  
餉都察院右僉都御史臣于成龍 謹

題爲特叅貪婪縣令以甦民困事該<sub>臣</sub>看得真定  
縣革職知縣徐王駟徵糧加耗濫派剝民<sub>臣</sub>巡  
歷訪聞具疏

題叅奉

旨革職行<sub>臣</sub>嚴提寃擬行據巡道僉事胡獻徵審擬

招解<sub>臣</sub>復親審徐王駟徵收康熙二十五年地  
丁錢糧除紳衿外將民戶錢糧共加收耗銀一  
千七百六十兩徐王駟堅稱因修理城垣學宮  
等項公費無從措處故加收耗銀以應公用質  
之經承里民人等僉供無異但所加耗銀除公  
費用去之外尚餘剩銀六十餘兩係徐王駟侵  
肥入已是真再解送過往銀鞘等項不遵定例  
僱車應付乃於衛縣所屬村屯槩行混派又其

短發車價銀三百七十八兩歷詢里民時宗祿  
等車牌子劉奇等証供甚確徐王駟自認無辭  
除康熙二十五年五月初一日

上諭以前加耗併公務用去及派車短價輕罪不議  
外徐王駟計入已賍銀六十一兩應依因公擅  
自科歛財物入已律擬流照例發遼陽安插其  
加收耗銀併短發車價等賍俱照追分別入官  
給主戶書王光前櫃書房雲貴謝天寵兵書唐

際盛車牌子劉奇聽從加耗派車短價不行稟  
阻各應杖懲查事犯在康熙二十六年五月初  
三日  
赦前王光前等應免罪仍革役餘審無干均應省釋  
理合具

題伏乞

勅部核議施行

特加太子少保巡撫直隸等處地方管轄紫荆等關  
宣府一鎮地方密雲等關隘贊理軍務兼理糧  
餉都察院右僉都御史臣于成龍 謹

題爲特叅貪婪縣令以甦民困事該<sub>臣</sub>看得成安  
縣革職知縣張元士加耗剝民私派肥已<sub>臣</sub>巡  
歷訪聞具疏

題叅奉

旨革職行<sub>臣</sub>嚴提究擬行據巡道僉事胡獻徵審擬

招解<sub>臣</sub>復親訊張元士徵收康熙二十五年地  
丁錢糧共加收耗銀二千一百六十三兩八錢  
張元士堅稱因遞馬工料不敷揭借賠墊併修  
城築堤等項公務無從措處遂加收耗銀仍應  
公用並無入已質之經手經承人等僉供無異  
至辦買芝蔴花絨不遵部價辦解乃輒濫派銀  
二百三十五兩零內除<sub>以</sub>定價值併僱車盤費  
等項外下剩銀兩張元士收受銀五十兩戶書

張濮必得銀二十兩譚居謙得銀十五兩訊錢  
六分劉繼倫得銀五兩各分肥入已嚴詢供証  
甚確張元士等俱自認無辭再轎夫奉裁二十  
名張元士因現在轎夫不足應差令各村僱覓  
伺候其工食係各地方派歛交給轎夫收用張  
元士原無染指至徵比錢糧擅用重刑罔恤民  
瘼是實張元士除加收火耗審無入已及濫派  
轎夫工食併擅用重刑等輕罪不議外收受私

派芝蔴花絨解費等銀五十兩應依因公科歛財物入已計贓以枉法論律擬流照例安插遼陽戶書譚居謙得銀十五兩零照例安插奉天劉繼倫得銀五兩杖懲革役王振鉉張濮必俱病故毋庸議櫃書劉中才聽從加耗不行稟阻驕夫頭宋福興里書張祥派收工食各應杖懲查事犯在康熙二十六年五月初三日赦前劉中才等均應免罪仍革役各名下贓物照追

入官驕夫宋福興等係受僱代役所得工食銀兩免追私設驕夫二十名應行裁革成安縣前任知縣王公楷令各鄉出夫伺候亦應議處但已經別案革職應毋庸議安克遠等審係無干省釋理合具

題伏乞

勅部核議施行

巡撫直隸等處地方管轄紫荆等關宣府一鎮  
地方密雲等關隘贊理軍務兼理糧餉都察  
院右僉都御史臣于成龍 謹

題爲

恩蠲錢糧縣令私行重徵 臣謹據揭糾叅以肅法紀

事該 臣看得順永保河四府康熙二十六年地

丁各項錢糧并康熙二十五年未完錢糧欽奉

上諭盡行蠲免 臣准部咨隨檄各道府轉行各屬一



體欽遵并刊刷告示分發各州縣衛所通行張  
掛復通飭各地方官令將康熙二十五年花戶  
已完未完數目出示曉諭務使百姓盡沾實惠  
不意撫寧縣知縣劉鑣將二十五年未完錢糧  
指稱里役墊納名色仍行勒追迨該府訪聞飭  
令將告示張貼尚不卽遵且請掣示免貼從前  
旣違里役包納之禁今以  
特恩蠲免之錢糧而又私行重徵殊干法紀茲據守

道叅議朱弘祚巡道僉事胡獻徵通永道僉事  
宋犖據永平府知府盧騰龍呈報具揭轉報前  
來相應特疏糾叅請

旨將知縣劉鑣革職提問究擬者也理合具

題伏乞

睿鑒施行康熙二十五年十一月十八日題十二月

初三日奉

旨這所叅劉鑣着革了職該撫嚴提究擬具奏該部

知道

巡撫直隸等處地方管轄紫荆等關宣府一鎮  
地方密雲等關隘贊理軍務兼理糧餉都察  
院右僉都御史臣于成龍 謹

題爲恭報微臣回署日期事竊臣以菲材荷蒙

皇上殊恩畀撫畿甸誠恐直屬地方遼濶體訪難以

周詳隨於康熙二十五年十月二十四日起程

巡歷真順廣大四府其起程日期業經

題報在案今巡歷真順廣大四府事竣於本年十

一月二十三日回署訖除臣詳察體訪凡屬官

賢否地方利弊容臣另疏入

告外所有微臣回署日期理合恭疏

題報伏乞

勅部查照施行謹具

題

知

巡撫直隸等處地方管轄紫荆等關宣府一鎮  
地方密雲等關隘贊理軍務兼理糧餉都察  
院右僉都御史臣于成龍 謹

題爲縣令去任日久士民愛戴甚切謹具疏奏

聞仰祈

睿鑒事該臣看得栢鄉縣原任知縣邵嗣堯於康熙

二十二年間爲濫用酷刑一案革職元城縣原  
任知縣陳偉於康熙十六年間丁憂去任邯鄲

縣原任知縣宋燦於康熙二十五年爲僉差不  
慎一案革職皆已離任日久今臣出巡各縣千  
百人環聚臣馬首泣訴各官在任廉潔愛民情  
由捨地呼天淚隨語下更有七八十歲老人平  
日惟知耕種不入城市者亦攜帶乾糧扶杖躑  
躅同聲呼籲言詞備極懇切臣思各官在任時  
若無善教得民之心感人之切今去任年遠或  
已經離任豈能使士民衆口合詞愛戴不忘若

此查去任官無

題請還職之例但臣仰體

皇上愛養黎庶求賢若渴之盛心旣見民情於邵嗣  
堯陳偉宋燦三官去後如此感泣追思羣相愛  
戴不敢緘默不以

上聞自蹈蔽賢之罪謹具疏

題報實從通達民情起見非敢違例保

題伏乞

睿鑒施行康熙二十五年十二月初八日題本月十

七日奉

旨該部議奏

巡撫直隸等處地方管轄紫荆等關宣府一鎮  
地方密雲等關隘贊理軍務兼理糧餉都察

院右僉都御史臣于成龍 謹

題爲微臣巡歷諮詢民瘼謹陳受累五條仰祈

睿鑒

勅部變通以蕪民困事竊

臣荷蒙

皇上下次拔擢超任直隸巡撫

陛辭之日重蒙

天語諄諄凡地方利弊民生疾苦若有累於民者  
命<sup>臣</sup>查明盡數具

奏<sup>臣</sup>任事後已將狐皮灰車二事具疏請免奉  
旨俞允萬姓歡呼頂沐

皇仁矣<sup>臣</sup>思民生疾苦不止一二事直隸地方遼闊  
非親歷體訪難以周詳於康熙二十五年十月  
二十四日自保定起行巡歷真順廣大四府所  
到之處廣詢博諮詳加體察得其最稱累民者

有五事焉其一曰派解芝蔴花絨之累真順廣  
大四府屬共額解本色芝蔴一千二百七十二  
石八斗六升零每石部定價銀一兩額解并新  
增花絨共一萬七千三百三十二觔零每觔部  
定價銀七分照價採買自無可議但僱覓車輛  
運送守候往返盤費實數倍於額價其間地方  
官之賢者亦不能盡捐已資以賠墊其不肖者  
則借端科派以致收頭里書指一派十小民受

累不可勝言臣嚴行禁飭不遺餘力如清河縣知縣楊應雄成安縣知縣張元士等額外加派民怨沸騰此民困之明驗也經臣特疏

題叅矣

臣

愚以爲狐皮一項業奉

恩旨允解折色芝蔴花絨亦係徵銀辦解其土產者不堪

上貢往往皆係費銀赴

京採買候交似芝蔴花絨亦可照狐皮之例改解

折色以蘇民困者也其一曰刊刻易知由單之累各州縣每年徵解地丁錢糧數目例於歲前刊刻由單呈送部科併頒發民間名曰便民易知俾小民按則輸將不肖官吏無所容其奸法至善也但刊刻有板片紙張工食之費原無額設銀兩不得不取辦於民間或因項款舛錯或因科則不符該管道府轉輾駁查每一單不改刊一二次不止其間不肖官役藉端科派累民

不淺況單內所開卽係賦役全書與地丁奏銷冊內所載地丁錢糧科則起解存留項欵部科既有奏冊可查紳衿士民亦有全書可考村庄小民目不識丁安能知此由單故雖歲費銀錢刊刻印刷而民間實無一人願領此單徒飽貪官蠹役一番科派需索是名爲便民而實所以累民臣請自康熙二十六年以後易知由單免其刊刻實蘓民困之一大端也其一曰派辦梨

木板片之累直屬地方產梨木者少往往奉文取用梨板事關亟需不得不派之州縣州縣不得不派之民間多方購買解部其間辨買價值解送盤費種種賠累已非一端又恒有板不堪用駁行另解駁解一次又多一次之科派倘若再加以地棍之包攬胥役之勒索嗟此窮民未有不筋疲力竭者臣查直隸產梨無幾一經取用率皆賣銀赴



京購買

京師商賈輻輳萬物雲集臣請嗣後工部應用梨

板就近採買庶得速於應用而民無派辦之累矣其一曰計丁派買食鹽之累鹽爲民間日用之需不能禁其不買亦不當強其多買從前按丁派引原係酌量州縣戶口多寡定爲引額繁庶地方年歲豐登平其價值嚴絕私販自可易於疏銷近年以來直屬水旱頻仍民不聊生地

丁正賦屢有逋欠荷蒙

皇恩浩蕩時邀蠲免獨鹽課一項民苦價高甘於食淡商慮課誦按丁派買每一丁按月領鹽二三十斤或五七斤不等卽或出外營生及工匠兵役亦責婦女領去向來每鹽一斤錢或七八文或八九文而止今每斤錢十四五文不等每丁一歲派食鹽二三十斤或五七十斤由銀四五錢或七八錢不等十口之家歲出銀四五兩或七

八兩不等貧民日給不敷力不能多買卽造冊  
送官按月比較官懼考成甚於正供有力者忍  
氣吞聲無力者含冤莫訴官民交困內黃元城  
南樂等縣莫不皆然而魏縣尤爲最甚減引減  
價紛紛見告臣以政有專司不便越俎但臣巡  
歷地方目覩民間困苦情形又不敢不據實

上聞可否將直屬州縣引目酌地方貧庶量爲裒益  
稍平其價聽民自買庶商課不詘而民困實蘓

矣其一曰內黃縣滷地包糧之累內黃縣城南  
司馬等十八村其地一百餘頃地盡鹽滷毛錐  
不生臣巡歷過此村民李光來等連名控訴僉

云此地一毛不生止可晒土成滷順治初年刮  
土煎鹽以完正供後經禁止賠納地糧總計十  
八村戶口二千六百有零無衣無食困苦萬狀  
懇請仍舊煎鹽以完正課以資糊口等情其地  
土不毛經臣目覩但私鹽律有嚴禁難容煎晒

惟包賠錢糧民困不堪臣不能坐視緘默以負  
皇上委任至意除檄行該地方官確查地畝實數錢  
糧科則另行造冊送部外臣請自康熙二十六  
年爲始豁除糧額以免此十八村民無地包糧  
之苦以上五條累民最深俱臣巡歷所到諮訪  
得實目擊情真臣仰體

皇上愛養元元視民如傷之仁故敢冒瀆

宸聰如芝蔴花絨折銀起解易知由單停其刊刻梨

木板片得免派辦則雖有不肖官吏欲指名科  
派亦無所藉其端而小民永無額外之誅求矣  
鹽引量爲哀益鹽勛平其價值則官易於疏銷  
民易於買食鹽不壅滯課自饒裕官商交便而  
民無按丁派食之累矣至於內黃縣滷地村民  
因地土不毛錢糧無出思及煎鹽亦無可奈何  
之中爲萬不得已之計如豁其糧額則數十年  
來包納之累一旦頓除而十八村民咸得各安

其業矣臣從地方利弊民生疾苦起見臚列

上陳伏乞

皇上睿鑒採擇

勅部議覆施行康熙二十五年十二月初八日題本

月十七日奉

旨該部議奏該戶部臣等會議得直撫于成龍疏稱  
臣巡歷真順廣大四府詳加體察得其累民五  
事等因具題前來一派解芝蔴花絨之累真順

廣大四府屬共額解本色芝蔴一千二百七十  
二石零每石部定價銀一兩花絨共一萬七千  
三百三十斤零每斤部定價銀七分但僱覓車  
輛運送盤費實數倍於額價其間地方官之不  
肖者借端科派以致小民受累請改解折色等  
語查先經臺臣張志棟條奏請將州縣所解本  
色永行停止仍解折色等因臣部以各省所解  
一應本色在京採買價值異於各省着各省辦

解備用等因具題准行在案嗣經具題凡各省  
解送顏料等物如有所用餘剩堆積庫內者題  
明暫停各省採買解送等因在案查二十年  
每年直隸解送芝蔴一千二百七十石零山東  
省解送芝蔴五百三十石零河南省解送芝蔴  
一百五十石零三省共解芝蔴一千九百五十  
八石零自二十年起至二十五年止每年所用  
一千二百石至一千五百石不等應用今見存

倉芝蔴三千九百八十二石零二十二年  
起每年直隸額解花絨一萬七千三百餘斤山東省  
額解花絨一萬四百餘斤河南省額解花絨二  
千六百餘斤三省解過花絨一十一萬三千八  
百餘斤自二十二年起至二十五年止每年所  
用三萬斤至四千餘斤不等應用今見存庫花  
絨五萬五千四百餘斤相應將芝蔴花絨暫行  
停止准其折色解送將現存芝蔴花絨用完之

時臣部行文原解省分照數解送本色一刊刻  
易知由單之累各州縣每年徵解地丁錢糧例  
於歲前刊刻由單呈送部科併頒發民間但刊  
刻有板片紙張工食之費原無額設銀兩不得  
不取辦於民間不肖官役藉端科派累民不淺  
況易知由單內所刊卽係賦役全書奏冊內所  
載錢糧款項部科既可查考小民目不識丁安  
能知此易知由單請自康熙二十六年以後易

知由單免其刊刻等語查各省所徵地丁錢糧  
每年有開墾地畝增徵有蠲災地畝減除故增  
減科則不一必刊刻由單之內使民間通曉以  
便輸部內按單以便清查若將由單免其刊  
刻不行曉示民間不能通知不肖官役反生徵  
多報少以熟作荒等弊部內更難查核應將該  
撫所請免刊由單之處毋庸議若有不肖官役  
藉端科派者該撫嚴查題叅一派辦梨木板片

之累直屬地方產梨木者少奉文取用不得不  
派之民間其間辦買價值解送盤費以及駁解  
包攬種種賠累請嗣後應用梨板就近採買等  
語查梨木板片因京城買辦不得故行直撫轉  
行出產地地方買辦解送今若在京買辦如不能  
得以致有悞工程兼且糜費錢糧應將該撫所  
題之處毋容議一計丁派買食鹽之累從前按  
丁派引原係酌量州縣戶口多寡定爲引額年

歲豐登自可易於疏銷近年以來直屬水旱頻  
仍民苦價高甘於食淡商慮課誦按丁派買可  
否將直屬州縣引目酌地方貧庶量爲哀益稍  
平其價聽民自買等語查康熙十七年原任御  
史傅廷俊條奏直屬丁多引少奉

旨特差臣部郎中今陞侍郎石柱前往長蘆將各州  
縣酌量戶口繁庶按七丁十丁十三丁不等食  
一引之鹽共加引八萬六千餘張計增課銀四

萬三千餘兩此所加之引已經九卿詹事科道  
會議具題准行在案且歷年課銀俱完無欠遵  
行年久至各州縣所銷額鹽原照各州縣戶口  
派定引目商人自應照時價發賣聽民隨便買  
食有司各官督銷額引以副考成若將已定額  
數復爲衰益必致紛紜滋弊有悞國課應將該  
撫所題直屬州縣引目衰益平價之處毋庸議  
一內黃縣涵地包糧之累內黃縣城南其地一

百餘頃地盡鹽涵毛雖不生賠納錢糧民困不  
堪請自康熙二十六年爲始豁除錢糧等語查  
內黃縣地畝錢糧歷年俱按則徵收賦役全書  
內並未有涵地字樣且各省州縣地畝俱照等  
則徵糧亦並無有涵地不徵糧之例應將該撫  
所請除糧之處毋容議者也等因康熙二十六  
年二月十三日題本月十三日奉

旨九卿詹事科道會議具奏該臣等會議得先據直



撫于成龍條奏五款經戶工二部議覆將芝蔴  
花絨暫行停止准其折色解送俟將現存芝蔴  
花絨用完之時再行文解送其餘別款均無庸  
議等因具題奉

旨九卿詹事科道會議具奏欽此欽遵查芝蔴花絨  
現今戶部庫內既有存剩應暫行停其解送俟  
用完之時行文解送本色又易知由單若免其  
刊刻民間不能通知不肖官役反生徵多報少

以熟作荒等弊又直屬食鹽原照各州縣戶口  
派定引目若將已定額數復爲衰益必致紛紜  
滋弊有虧國課商民受累又內黃縣滷地錢糧  
歷年俱係按則徵收其賦役全書內並未有滷  
地字樣且各省州縣地畝亦並無有滷地不徵  
糧之例等語相應均照戶部所題毋庸議再查  
梨木板一項先因在京購買無厚者工部題明  
行文直撫解送今該撫旣稱購買解送梨木板

片種種賠累嗣後所用梨木板片停其解送辦  
買應用倘需用梨板在京購買有尺寸不符者  
聽工部題明行令該撫仍照例辦買解送可也  
康熙二十六年二月二十八日題本月三十日  
奉

旨依議

巡撫直隸等處地方管轄紫荆等關宣府一鎮  
地方密雲等關隘贊理軍務兼理糧餉都察  
院右僉都御史臣于成龍 謹

題爲地被連年水淹沙壓民苦包賠錢糧謹具疏  
題

請蠲免以甦民累事該<sub>臣</sub>看得糧從地出原屬惟正  
之供無地可耕難免包賠之累查順德府之任  
縣真定府之寧晉縣廣平府之成安縣屢據民

人以地被水滄沙壓耕種難施包賠錢糧紛紛  
控告隨行道府查勘據詳稱任縣地勢低窪爲  
諸水會注之區今滄河淤塞內溢無從宣洩以  
致積水成泊淹沒地共七百八十八頃七十九  
畝零成安縣逼近漳河屢遭坍塌自康熙二十  
三年秋雨連綿急流橫決衝壓地共二百頃三  
十三畝零屢經駁查委勘明確詳請

題豁又據寧晉縣詳稱淹沒地畝已經勘明現在

造冊等情前來

臣

因歷年積水事關民生

國賦未敢遽以入

告隨於巡歷真順廣大四府之時至任安二縣親履  
其地詳加踏勘或積水成泊一望汪洋或水衝  
沙壓無地耕犁查順真廣三府屬連歲歉收民  
生困苦輸納正賦尚屬艱難若再責以包賠無  
地之糧則勢必流離失所臣目覩情形最真方  
敢具疏

上聞仰祈

皇仁將淹沒沙壓地畝錢糧准其豁免俟水退可耕之日卽令當年起科庶殘黎得邀再生之慶矣除取水淹沙壓地畝併徵糧數目冊另行送部外理合具

題伏乞

睿鑒勅部議覆施行康熙二十五年十二月初八日題本月十七日奉

旨該部議奏該臣等查得直隸巡撫于成龍將寧晉縣被淹地畝現在查勘另疏具題外所有任縣淹沒地共七百八十八頃七十九畝零成安縣沙壓地共二百頃三十三畝零經臣親履踏勘或積水成泊一望汪洋或水衝沙壓無地耕犁若責以包賠無地之糧勢必流離失所臣目觀最真請將二邑水淹沙壓地畝錢糧准其豁免俟水退可耕之日卽令當年起科等因具題前

來查任縣成安二縣水淹沙壓地畝該撫既稱親履踏勘無地可耕相應將前項地畝所徵錢糧准其豁免俟水退之日該撫卽令當年起科仍將被災地畝除糧科則速造清冊送部查核可也等因康熙二十六年正月二十六日題本月二十八日奉

旨依議

特加太子少保巡撫直隸等處地方管轄紫荆等關宣府一鎮地方密雲等關隘贊理軍務兼理糧餉都察院右僉都御史臣于成龍 謹

題爲特叅貪庸郡守以肅吏治事竊惟郡守一官所以表率有司必須廉潔奉公精明強幹庶不愧於職守如貪慾放縱庸懦無爲不特有玷官箴實難師帥屬吏臣自蒞任以來每於道府中申嚴告誡特加嚴切乃猶有大名府知府莊存

仁利慾薰心罔畏法紀保定府知府康正吉病  
廢昏庸事多貽悞今據直隸守道叅議朱弘祚  
巡道僉事胡獻徵大名道僉事王曰曾揭報劣  
欵合之臣訪聞無異此二官者或貪黷乖張營  
私勒索或昏庸衰憊諸事廢弛俱難姑容民上  
貽悞地方所當特疏糾叅請

旨將莊存仁革職併有名蠹役提問究擬康正吉  
勅部議處者也臣未敢擅便謹

題請

旨康熙二十六年八月初二日題本月

日奉

旨

巡撫直隸等處地方管轄紫荊等關宣府一鎮  
地方密雲等關隘贊理軍務兼理糧餉都察  
院右僉都御史臣于成龍 謹

題爲特叅貪庸郡守以肅吏治以安民生事該

臣

看得廣平府知府朴懷玉經歷龔士成貪庸劣

跡經

臣

具疏

題叅奉

旨革職行令嚴提究擬具奏行據巡道僉事胡獻徵

審擬招解<sup>臣</sup>復親詢朴懷玉因編審指造冊紙  
張等費得銀五十兩係因公科歛入已計贓以  
枉法論流徙奚辭朴懷玉又因典吏徐珠等役  
滿起送收得盃緞共值銀二十四兩係不枉法  
贓至考試童生任經歷龔士成以供應不敷派  
歛各縣銀兩毫無覺察燈節結綵演戲令眷屬  
出堂觀看關防全無又出堂理事無幾諸務廢  
弛乃其剩辜耳經歷龔士成除非因公務打魚

折錢窺看民婦考試科歛輕罪不議外其索詐  
宋文徵銀兩又因修城公務派民脫坯將坯私  
賣得銀與因公科歛入已者無異按律杖徒允  
宜蠹書侯步雲得贓一十二兩照例安插奉天  
地方林粹錦過付盃緞杖懲革役盧子耀張國  
良已經病故俱毋庸議各贓照追入官常文英  
等俱被抑勒出錢照例免坐餘審無干均應省  
釋理合具



題伏乞

勅部核議施行康熙二十五年十二月十五日題二十六年正月二十七日奉

旨該部核議具奏該刑部看得廣平府革職知府朴懷玉經歷龔士成等貪劣一案據直隸巡撫于成龍審擬流徒杖罪具題前來查朴懷玉因編審指造冊紙張公費得銀五十兩戶書侯步雲盧子耀各分得銀十二兩懷玉又因典吏徐珠

等役滿起送收得盃緞共值銀二十四兩俱已至於考試童生係經歷龔士成因供應不敷派各縣經承銀十八兩三錢二分發還行戶懷玉毫無染指經歷龔士成借修城公務脫坯發賣得銀二十四兩又因打魚派船得錢八千文又乘宋文徵賣女爲妾嚇詐銀二兩俱入已該撫歷審各自認情真朴懷玉收受徐珠等盃緞及龔士成打魚派船等各輕罪不議外朴懷玉

合依凡官吏因公擅自科歛所屬財物入已者  
計贓以枉法論五十兩杖一百流二千五百里  
律應解部照例并妻發遼陽安插至配所不准  
折贖折責四十板龔士成合改依因公擅自科  
歛所屬財物入已者計贓以枉法論二十五兩  
杖七十徒一年半律應徒一年半至配所折責  
二十五板俱係貪官永不叙用侯步雲合依凡  
衙役索詐十兩以上者并妻子安插於奉天地

方居住例應解部安插於奉天地方居住過付  
孟緞之林粹錦合依不枉法贓二十兩折半科  
罪無祿人減一等律應杖六十折責二十板革  
役盧子耀張國良已經病故無庸議常文英徐  
珠等俱被抑勒出錢亦無庸議朴懷玉等名下  
贓銀各照追入官等因康熙二十六年二月十  
九日題二十一日奉

旨依議

特加太子少保巡撫直隸等處地方管轄紫荊等關  
宣府一鎮地方密雲等關隘贊理軍務兼理糧  
餉都察院右僉都御史臣于成龍 謹

題爲脩陳清查地畝之由仰懇俯從群議准予今  
歲陞科以恤民力以裕

國課事該臣看得州縣職司民社責任綦重如庸  
劣無能敗檢溺職者固難姑容以悞地方若勤  
敏供職實心任事亦當鼓勵以昭勸勉今據守

道叅議朱弘祚呈稱開州知州馬汝驍清查欺  
隱地畝開諭有方士庶皆甘心自首陸續首出  
隱地二百六十三頃六十八畝五分零應徵糧  
銀八百一十九兩六錢八分零再直屬城垣傾  
頽奉

旨脩理開州城垣寬大頽壞已極馬汝驍竭力倡捐  
多金鼓勸紳衿人等靡不踴躍樂從互相勸助  
將數十年倒塌之城修整重新取具各冊結并

勘官印結詳請

題叙前來

臣

自康熙二十五年十一月巡歷南屬

曾經親至開州閱視城池該州係土城磚梁更  
鋪俱完止南北二城樓尚未完工業已煥焉改  
觀今復委官勘驗確係堅固完工查清出地畝  
以裕

國課修葺城墉以衛民生均有裨於政治馬汝驍  
洵爲殫心急公盡職之吏相應

題請

勅部議叙以彰勤績以示鼓勵候部議奪再查清出地畝應於康熙二十一年起科其二十六年錢糧既奉

皇恩蠲免此項地糧應否一體邀蠲除冊結分送戶工二部查核外理合具

題伏乞

勅部議覆施行

巡撫直隸等處地方管轄紫荆等關宣府一鎮地方密雲等關隘贊理軍務兼理糧餉都察院右僉都御史臣于成龍

題爲特叅縱盜將弁以肅營壘以安地方事竊臣荷蒙

皇上殊恩

命臣巡撫

畿輔臣刻刻以弭盜安民爲首務在村庄嚴保甲

以察奸宄在道路有將弁以資防禦臣與鎮臣  
又酌量衝僻凡汛地之最衝者每墩臺添撥兵  
丁令其與各墩臺連絡捕盜務使綠林無警道  
路寧謐申嚴告誡不啻至再至三矣今良鄉一  
帶孔道馬賊成羣馳騁該營將弁置若罔聞本  
年十二月初九日良鄉縣南竇店北首馬賊肆  
行截劫無忌有臣密差查察汛地之人訊問墩  
臺兵丁何不追捕而兵丁回言有賊無賊理他

怎麼等語此兵丁之胆玩實將弁之不嚴所致  
則是汛防將弁兵丁不特虛糜糧餉而實係縱  
盜殃民臣等聞之大爲駭異該良鄉汛專汛千  
總王朝幹分防竇店把總張元世兼轄不同城  
拱極城遊擊劉虎涿州營叅將朱翰所當特疏  
指叅以肅營壘以安地方者也至良鄉縣地方  
行客被劫失主曾否報官現在檄行巡道胡獻  
徵嚴查外臣謹會同天津鎮臣劉國軒合詞具

題伏乞

睿鑒

勅部分別議處施行臣未敢擅便謹

題請

旨康熙二十五年十二月十四日題二十六年正月

二十三日奉

旨王朝幹等着嚴加議處具奏該部知道該兵部臣等議得直隸巡撫于成龍等疏稱良鄉一帶孔

道馬賊成羣該營將弁置若罔聞本年十二月  
初九日良鄉南竇店北馬賊肆行截劫無忌臣  
密差查察汛地之人詢問墩臺兵丁何不追捕  
兵丁回言有賊無賊理他怎麼等語此兵丁之  
胆玩實將弁之不嚴所致汛防將弁不特虛糜  
糧餉而實係縱盜殃民臣等聞之大為駭異該  
良鄉耑汛千總王朝幹竇店汛把總張元世兼  
轄不同城遊擊劉虎涿州營叅將朱翰所當特

疏指叅等因前來查定例內武職各官傲慢廢弛營伍者革職兼轄官不行查出者降一級留任等語應將專汛千總王朝幹把總張元世俱比照此例革職兼轄叅將朱翰劉虎各降一級留任查叅將朱翰遊擊劉虎各有軍功紀錄四次應銷去伊等軍功紀錄一次抵降一級仍行該撫等將被盜地方墩臺兵丁嚴行責革可也等因康熙二十六年二月十二日題本月十四

日奉

旨依議



巡撫直隸等處地方管轄紫荆管關宣府一鎮  
地方密雲等關隘贊理軍務兼理糧餉都察

院右僉都御史臣于成龍 謹

題爲旗民營兵糾賊肆劫營弁知情分贓謹特疏  
題叅以肅法紀以靖盜源事竊照涿州至良鄉不  
過一站程途涿州設有叅將等官竇店設有把  
總良鄉設有滿兵又設有綠旗千總防汛各有  
專責夫何各將弁或縱兵爲盜或夥盜分贓以

致旗民肆行無忌卽如琉璃河竇店十三里屯一帶旗人張庄頭等抗不遵行牌甲不令支更不服州縣官稽查屢屢窩固娼妓招聚匪類已非一日因十三里舖七里屯蘆溝橋一帶不時有強賊肆劫臣屢經嚴飭各將弁利慾薰心藐視法紀是以臣差臣標官兵遊巡查拿至本年十二月初九日行至七里屯地方聞有行人梁貴元等被賊截劫往東南潛遁被臣所差把總

任玉俊帶領兵丁追至柳林有強賊謝進忠張弓拒捕臣標官兵將謝進忠用鳥鎗打傷謝進忠喊叫我係十三里張庄頭家人你們饒了我罷官兵隨同鄉民鄉縛又拿獲霍進友等押赴良鄉縣會同滿洲駐防並該營將弁審訊謝進忠等俱係竇店把總營兵食糧名霍進友卽係把總張元世之次子乃良鄉縣千總王朝幹竇店把總張元世央求失主梁貴元等不行認賊

除謝進忠傷重身死外據良鄉縣將現獲各犯  
押解到保於十二月十三日臣傳同巡道僉事  
胡獻徵將賊犯李之茂等逐一審訊據各犯供  
出同夥姓名內有旗人張庄頭等民劉三等或  
爲窩主或爲盜首及詰問你們都是汛地的兵  
丁屢屢在大路上行劫你們本管的官因何不  
稽查你們想是與你們通同分贓麼供小的們  
本官若不知情分贓小的們如何敢做賊呢只

求詳情又問你夥賊實實共有多少如今現在  
那裡又據供我們同夥的原多都是張庄頭結  
連的各姓名住址張庄頭都知道只拿着張庄  
頭問他要同夥這賊都有了又問你們從前在  
十三里屯打劫的銀子有多少呢供止有二千  
來兩銀子俱是胡大麻子收着還不曾分又在  
蘆溝橋行劫了一次得銀八十多兩小的們每  
人均分花費訖又問十二月初九日你們劫得

梁貴元的銀子共有多少現在那裡供也是胡大麻子駝着先跑往琉璃河去了又問張庄頭既是賊頭又是窩家爲何把銀子給胡大麻子拿去呢供張庄頭說住在十三里屯十三里屯是行劫地方恐人看破但凡得的銀子俱駝到琉璃河胡大麻子家均分等情據此其營弁縱盜經臣會同天津鎮臣劉國軒另疏

題叅今拿獲賊犯所有營兵汛弁旗人夥盜分贓

賄買失主情由理合

題叅除千總王朝幹把總張元世經臣咨部斥革

並張庄頭等以及供出賊犯臣已差文武官弁

擒拿與受賄不行據實供証之失主梁貴元等

一併嚴審究擬可也臣未敢擅便謹

題請

旨



